

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2011 ԹՎԱԿԱՆԻ ՄԱՅԻՍԻ 5-Ի N 670-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ ՀՀ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԻԾ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2019 թվականի N -Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2011 ԹՎԱԿԱՆԻ ՄԱՅԻՍԻ
5-Ի N 670-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Համաձայն «Պետական կենսաթոշակների մասին» Հայաստանի
Հանրապետության օրենքի 33-րդ հոդվածի 9-րդ մասի, 41-րդ հոդվածի 5-րդ
մասի՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2011 թվականի
մայիսի 5-ի «Կենսաթոշակ վճարելու կարգը հաստատելու մասին» N
670-Ն որոշման (այսուհետ՝ որոշում) մեջ կատարել հետևյալ
փոփոխությունները և լրացումները.

- որոշման N 1 հավելվածում՝

ա. 2-րդ կետի 5-րդ ենթակետը շարադրել հետևյալ խմբագրությամբ.

«5) **կենսաթոշակ նշանակող ստորաբաժանում**՝ Հայաստանի
Հանրապետության աշխատանքի և սոցիալական հարցերի նախարարության
սոցիալական ապահովության ծառայության (այսուհետ՝ ծառայություն)
տարածքային ստորաբաժանումներ,».

բ. 8.1-ին, 8.2-րդ, 8.3-րդ, 8.4-րդ և 8.5-րդ կետերը ճանաչել ուժը կորցրած,

գ. 13-րդ կետից հանել «Համապատասխան մարմնի համակարգի
կենսաթոշակների անկանխիկ եղանակով վճարման ցուցակը ձևավորվում է
առանձին՝ հիմք ընդունելով հաստատված նախնական ցուցակը:» բառերը,

դ. 14-րդ կետից հանել «Համապատասխան մարմնի համակարգի
կենսաթոշակառուների էլեկտրոնային վճարման ցուցակը բանկին է
տրամադրվում և վճարման ենթակա գումարը բանկին փոխանցվում է սույն
կարգի 8.3-րդ կետում նշված՝ ծառայություն ներկայացված հայտ-ապահանջագրի
հիման վրա:» բառերը,

ե. 18-րդ կետից հանել «Համապատասխան մարմնի համակարգի
կենսաթոշակների կանխիկ եղանակով վճարման ցուցակը տպագրվում է

առանձին՝ հիմք ընդունելով հաստատված նախնական ցուցակը:» բառերը,

գ. 19-րդ կետից հանել «Համապատասխան մարմնի համակարգի կանխիկ եղանակով վճարման ցուցակի թղթային տարբերակը տպագրվում է, տրամադրվում է վճարող կազմակերպությանը և վճարման ենթակա գումարը բանկին փոխանցվում է սույն կարգի 8.3-րդ կետում նշված՝ ծառայություններկայացված հայտ-պահանջագրի հիման վրա:» բառերը,

ե. 31-րդ կետից հանել «Եթե կենսաթոշակը նշանակել է համապատասխան մարմինը, ապա շահառուն դիմումը և անհրաժեշտ փաստաթղթերը ներկայացնում է համապատասխան մարմնի կենսաթոշակ նշանակող ստորաբաժանում:» բառերը:

2. Սույն որոշումն ուժի մեջ է 2019 թվականի նոյեմբերի 1-ից: